

Toetu

Faitau le Alema 40:2–5, 23–24 e iloa ai mea na aoao atu e Alema ia Korianetona. Ona faaaoga lea o punaoa nei e fesoasoani ia te oe e te saunia atili ai i mea o le a e aoao atu.

Alema 11:42–45

Taiala i Tusitusiga Paia, “Toetu,” scriptures.ChurchofJesusChrist.org

Sa aoao mai Peresitene Dallin H. Oaks o le Au Peresitene Sili:



Ua tatou faamanatuina le moni o le Toetu i lenei vaitau o le Eseta. Ua aumaia e lenei toetu le vaaiga ma le malosi e onosaia ai luitau o le olaga faaletino o loo feagai ma i tatou taitoatasi, ma i latou tatou te alolofa i ai, o mea e pei o tulaga lē atoatoa faaletino, faalemafaufau, pe faalelagona ia tatou te o mai ma i tatou ina ua fananau mai pe oo mai foi i le gasologa o le olaga faitino. Ona o le Toetu, ua tatou iloa ai o nei faaletonu faaletino ua na o se taimi lē tumau! (Dallin H. Oaks, “O Le Fuafuaga Sili,” *Liahona*, Me 2020, 94–95)

Saunia pe o le a faapefea ona e faamalamalamaina tali i fesili nei:

- O le a le toetu? O ai o le a toetutu?
- E tusa ai ma le Alema 40:2–3, o le a le mea ua mafai ai ona maua le Toetu?
- E mafai faapefea e lo tatou malamalama i le Toetu ona faamanuiaina i tatou i le taimi o ō tatou olaga faaletino?

Pe a aoao atu, ia mautinoa ua faamanino atu e faapea, ona ua toetu Iesu Keriso, o le a toetutu ai foi i tatou uma. Faasoa atu se mafuaaga se tasi e te faafetai ai mo le folafolaga o le toetu.